



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De spirituali intellectu, super eodem verbo. VI.

[urn:nbn:de:hbz:466:1-45790](#)

§. 6. De spirituali intellectu, super responso ad easdem interrogaciones.

Expleto secundum paupertatem meam fensu rudiori, iam ad interiorem spiritus medullā te transmitto; quām tamen non à me audies, sed ut ab introductione Sponsi capias; verbū illius optimè fauceo. Non enim paruam credo eum percepisse internz consolationis pinguedinem, qui sibi conscius est de abscondito & nouo hoc exultationis fructu: *Introduxit me rex in cellaria sua.* Mihi quidem misero, & serilitatē cordis sāpius patienti, preciosum nimium esset, si aliquando post singultus & pulsationes fortes, ad huius Sponsi miserationē promerendam, de preteritis malis potuero veniā inuenire. Si etiam contra morbos vitiō & ægras affectiones animi, valuero aliquas species medicinales impetrare. Nec hoc est vtique, quod sponsa, quæ amore flagrat, inebrīata ab ubertate domus Dei reuertens, auribus nostris infudit dicēs; *Introduxit me rex in cellaria sua.* Quid est ergo, quod loquitur? Ignorare me fateor. Tu verò si intelligere potes, (sicut dignū est) congaudeo gratiæ diuinæ. Parum tamen, quod a longè flans, sentio per rimas cellariorū, in quibus sponsa iam introducta potitur melioribus Sponsi bonis, libēs propono; si placuerit cordi tuo, accipias illud desideranter. Si quis Christum sincerè & intimè amans, huius vitæ qualitercumque blandientis gaudia contempserit, illum non dubito posse experiri, quid cœlestis dulcedinis vox ista cōtineat: *Introduxit me rex in cellaria sua.* Qui cunque autem in hac valle misera sufficere sibi gratulatur, quod temporalis prosperitas & rerū affluentia non ei deficiat; hinc profectò alienus & tanquā immundus repellitur ab interioribus diutiis nec ei conuenit gustare dulcissimum verbum, *Introduxit me rex in cellaria sua.* Habet enim iam hic promptuaria sua & horrea frumenti, vini, & olei sui; quibus multiplicatis delectatur & requiescit, nō in pace Christi, sed in corde terræ. Sanctis igitur & fidelibus electorum mentibus, solum hæc amabilis reuelatur intelligentia, cui intentam aurem accommodare te velim; ut merearis & tu particeps esse bonorum horum, spiritualiumq; gaudiorū. Si quando igitur interius Deo persenseris te iunctum, & tibi hoc sæculū penitus amaresceret; Si etiam inter sacras lectiones, infundi tibi compunctionē atq; mentis illuminationē desursum venientem; Si etiam post devotam & perseverantē orationē, desideriū æternæ vitæ incalescere & augmentari perceperis, vnde hæc bona procedere auctoritas, nisi de cellaris supernis? Si insuper altius te attrahi ad inuisibilia bona perspexeris, ac omnem cogitatum tuum in Dominum

Introduci
in cellaria
Sponsi,
mysticē
quid.

Psalm. 143.

mínim iactari; ita ut solius Dei memor sis, in quo vita, salus, & requies summa est; petierisque, ut cum ipso felici vita viuas, & amodo non reuertaris ad miseras istas; quamdiu tale aliquid tibi sentire donatur, cur negare potes, quod introduxit te rex in cellaria sua? Nec Deo difficile est ostendere tibi charitatem suam, ut videoas eius arcana in altissimis cōdita, pro cuius amore libenter exteriora opera ministrare non recusas, quantumcumque sint humilia & despēta.

§. 7. De aspiratione ad caelēstia.

Hoc tamen tuum est, dignè Deo conuersari, & in externis negotiis mentem à supernis non auertere: sed ad illa gustanda secreta, de nouo semper aspirare. Quām felix eris, si internæ Dei vocationi, sine mora gratulanter occurreris? Si hoc vel alio etiam modo dixeris: Domine, qui laborem & dolorem confideras, quam libentissime ad te venirem, optimè nosti. Ecce assum, fiat mihi secundūm verbum tuum, quod olim dixisti: Et ego manifestabo ei meipsum. Sed & hoc erat, & semper est desiderium meum. Utinam inueniam gratiā in oculis tuis, & tibi placeat pauperculum seruitum meum. Nil quippe sic charum esse poterit seruulo tuo, sicut habere gratiam in conspectu tuo; & agnoscī iater filios tuos, qui nec dignus sū vocari seruus tuus. Domine, quicquid dico, quicquid aliud desidero, ecce totus in manibus tuis sum, fac mihi secundūm verbum tuum, secundūm beneplacitum tuum, secundūm ordinationem tuam, & secundūm omnē voluntatem tuam.

Psal. 9.

Ioh. 14.

§. 8. De spirituali esu & potu, de cellaris Christi.

Adhuc te cū Domino sermocinante, si dixerit tibi: Qui mihi ministrat, me sequatur; sequere eum, quoque ierit. Qui scis, an velit præire, & præparare viam, atque aperire signacula, ut introducaris in cellaria sua? Sequere eum, & quodcumq; tibi dixerit, facito. Si dixerit tibi, bibe; etiam bibe de calice eius. Est enim vinum hoc optimum, & cellaria nostra non habent simile. Charitas enim vinū est. Dum ergo impleris illa, optimo vino inebriaris. Vbi inuenies eam, nisi in cellaris eius? Et quod est precium eius: Non comparabit eam quis nummis, sed spretis illis & omnibus, quæ sunt mundi. Bibe charissime, & inebriare dulcedine charitatis: Ecce hydria coram te est, & fons vitæ. Deus enim charitas est. Si dixerit comedere, quodcumq; inuenieris comedere: Totum bonū est, quicquid ibi reconditum vides. Mel inuenisti, comedere quod satis est. Si obtulerit etiam partē pīscis affi & fauū mellis, sume reliquias eius. Cumque liquatæ fuerint in ore tuo, facient te sentire mirabile dulce dinem. Aperiāt ipse

I. Ioh. 4.

Prou. 25.

Lucas 24.

§. 5

fensum,